



UNIVERSITÄTS-
BIBLIOTHEK
PADERBORN

Universitätsbibliothek Paderborn

Heimat und Freundschaft

Bolhöfer, August

Detmold, 1918

[Lose Beilage]

urn:nbn:de:hbz:466:1-12793

Lippinghiusen 1965

Van Fritz Schemmel, Schötmar

Plattduitsk es Schwartbräot met dicker Boddern.

Pattduitsk es Plunnermelke met Schmand.

Plattduitsk es Erwe van Vadder un Moddern.

Plattduitsk es Heume un Vadderland!

Niu liggt äok das Jubeläumsdrepn — 10 Johr Michaelis — oll achter us. Un wui lippsken Gräsnohbers hät wier metmakt. Van'n euersten Dage an, wo eck Fritz Pahmeuer büimott sin, kamm eck van Lippinghiusen nich mahr läos. Suin Werk hät deupe Wochel schlagen; sein Geust es lebenig blieben. Düsse Gemeenskap met gluiken Zielen, düsse prächtige Tropp van plattduitsken Frünnen, de hölt eunen io donne.

Eck kann jo dütmol — gruinessmote — bleoß den Sunndag metmaken. Doch wat et dor näo gaw, dat geugt gar nich ollens op dütt Papuier: Plattduitske Kerken un Theater, Drachtendänze, Pruisse usw. Teon plattduitsken Vertellerwettstruit wörn dütmol twölw Examenskannedoten antreen, dormanken dreu Frosluie.

un unner den Dutzend „Klassenbegabten“

mäuhacke eck wier unner „Ferner trabten“.

Eck kume jo jümmer seolichtferg int Töddern

un könne mui sümst dänn wal wämsen un klöddern,

un woll mui fört Oller wal foiderhen scheonen,

doch — mondagmorns in den Vuitzebäonen,

upper Leddern boben buin Bäonenplücken,

feng't unner der Müssen wier an teo ticken,

un siutchen word eck in'n Koppe klor:

Eck hääbe dat „Thema“ fört nächste Johr!

Eun Johr hääb' eck Tuit, dat biutwennig teo leern,

un dat mott jo dänn wal wat ganz Unwuiset weern!

Un geugt't mui bit dohen näo eunigermoden.

dänn mak' eck wier met, eck kann't doch nich loden.

Eck lode wat anners geern doför siusen.

Et tuiht eunen hen. — Dat es Lippinghiusen!